



Acadèmia de su Sardu

ONLUS

de su pagu, pagheddu
dae su pagu si faghet su meda

SA COMMISSIONI REGIONALI CULTURA TENIT DUDAS APITZUS DE SA LSC
S'ACADEMIA DE SU SARDU ONLUS DD'AT ATOBIADA SU 27 DE SU MESI DE DONNIASANTU.

Su 27 de su mesi de donniasantu 2013 a s'Acadèmia de su Sardu onlus dd'at arricia sa de 8 Comissionis regionalis (VIII Commissione permanente della Regione Autonoma della Sardegna), po fueddai apitzus de sa politica linguistica adelantada finas a imoi de sa Regioni.

S'Acadèmia at nau a sa Comissioni:

1 De essi impensamentada meda po su sardu ca est sperdendi-sì po nexi de sa politica linguistica de sa Regioni. Difatis finas a imoi sa Regioni, peri sa Giunta e no peri su Consillu, su parlamentu suu, nd'at pesau cun sa LSC una politica linguistica chi est sceti una "Adozione delle norme di riferimento a carattere sperimentale per la lingua scritta in uscita dell'Amministrazione regionale (deliberazione n. 16/14 del 18/04/2006, oggetto, p. 1) da utilizzarsi in via sperimentale per l'uso scritto in uscita (deliberazione n. 2)" e duncas, po cussu etotu, no tenit idea peruna de intrai su Sardu a scola: est a nai in su mellus logu po chi sa lingua no si sperdat.

2 Sa politica linguistica *sperimentali* de sa Regioni no at faddiu sceti po s'essi, issa Regioni, acunortada de imperai su sardu in domu sua sceti, ma finsas po ai sceberau sa LSC, est a nai una *lingua sarda comuna*, presentada a comentis un'esperimentu cun tentas mannas e bonas, ma chi agoa de totu no at batiu frutu perunu. A contus fatus, sa realidadi at amostau ca su bolli aprontai unu còdixi linguisticu ùnicu e bonu po totus est stètiu una grandu faddina, e at partziu sa genti in logu de dda ponni impari, a comentis s'Acadèmia etotu timiat. Oindii su tretu intra de Campidanesu e Logudoresu est mannu tambeni de no fai a ddus acucurai. E no est serbiu a nudda – e a nemus – su ai aprontau, sètzius aingìriu de una mesa, unu còdixi amesturau, ca custu est atesu meda de s'unu e de s'àteru e no aciapat cumparàntzia in peruna de is realidadis linguísticas de oi, sarvu unas cantu biddixeddas piticas de is logus de *mesania*.

3 Duncas tocat chi sa Regioni, e po Regioni s'Acadèmia s'aferit pruschetotu a su **Consillu** regionali, chi est su **Parlamentu de sa Sardinia**, e no sceti sa Giunta, aguantit a notu ca sa lingua sarda est *una lingua*, a duas (macro)bariedadis diatòpicas (est a nai duus diasistemas sintzillus etotu) e literàrias chi tenint – e depint tenni – sa matessi dinnidadi: su Campidanesu e su Logudoresu. E duncas de s'ora chi *sa lingua sarda est una, a duas bariedadis*, custa lingua depit tenni *unu standard* (su de sa lingua sarda) *a duas normas* – o *a duas Arrègulas* – (sa norma o *arrègula* de su Campidanesu e sa norma o *règula* de su Logudoresu).

4 Custu apretu de unu standard a duas normas (o a duas arrègulas) est afortiau de sa chistioni chi su mundu no s'est firmau a su 2006, a su nascentu de sa sperimentatzioni de sa LSC. De insandus cosa meda at cambiau e at caminau in Sardinia in su tretu linguisticu. Sa Provìntzia de Casteddu in su 2010 nd'at achìpiu is *Arrègulas*, est a nai sa Norma ofitziali de su Campidanesu e de insandus candu issa Provìntzia scriit in sardu imperat cuddu sardu; e funt medas puru is comunus (su de Cabuderra a manera ofitziali puru) e is scridoris chi imperant is *Arrègulas*. Funt bessias puru medas ainas scritas segundu is *Arrègulas*: duus fueddàrius, antologias literàrias, tradusiduras e, imprùs, totu sa produsidura in s'arretza de sa genti, chi giai de diora agatat discansosu a scriri ponendi infatu a is *Arrègulas*, ca apicigant apari cun sa fueddada campidanesa chi at sèmpiri intèndiu, fueddau e ligiu in domu e in su logu suu. Ma de custu parit chi no si-ndi siant acataus is chi tenint s'arresponsabilidadi de sa politica linguistica adelantada finas a oi de sa Regioni, manca in sa norma de sa LSC ddoi siat scritu: *Essa, (LSC) pertanto, non vuole né sostituirsi né imporsi sugli altri idiomi della Sardegna, come giustamente e correttamente fa, dal punto di vista linguistico e giuridico, la Legge regionale n. 26 del 1997, senza nulla togliere a questi idiomi, anzi riconoscendo loro lo stesso livello di tutela e promozione. Est craru ca is arresponsàbilis de sa politica linguistica de sa Regioni no funt andaus in sètiu cun is normas chi arrègulant sa LSC, chi non vuole né sostituirsi né imporsi sugli altri idiomi della Sardegna ... senza nulla togliere a questi idiomi, anzi riconoscendo loro lo stesso livello di tutela e promozione. S'Acadèmia no at biu lo stesso livello di tutela e promozione po is àteras fueddadas ca custu arreconnoscimentu de lo stesso livello di tutela e promozione no est lòmpiu a su Campidanesu arregulau de is *Arrègulas*. Poita donai dinai sceti a is comunus chi, me is portalitus de sa lingua sarda, imperant sa LSC e no a is àterus chi imperant is *Arrègulas*?*

Nau custu, e po arresuminai, s'Acadèmia at nau a sa Regioni:





Acadèmia de su Sardu

ONLUS

*de su pagu, pagheddu
dae su pagu si faghet su meda*

1 Sa lingua sarda, a comenti sa Regioni sarda etotu at arreconnotu cun su *Ordine del giorno n. 90 avotau de su Consillu regionali su 12/12/12*, depit intrai in is scolas.

2 Sa LSC no est sa lingua bona po sa scola ca est fata *di alcune norme di riferimento sperimentali per la lingua sarda scritta in uscita*. Est una lingua artificiziali sena de literadura.

3 In sa scola pipius e studiantis depint agatai sa lingua-de-lati insoru, chi, a segunda de is logus, est una bariedadi de su Campidanesu o de su Logudoresu, fueddadas, chi, imprùs, tenint una literadura manna in poesia, prosa, e in sa crèsia.

4 S'esperimentu de sa LSC at faddiu ca is trastus suos funt de ai partziu is sardus. Duncas su Consillu regionali depit averiguai s'esperimentu de sa LSC e fai a manera chi mai prus su sardu siat una lingua posta amarolla.

5 Sa Regioni depit aguantai a notu totu su chi at caminau in custus annus e duncas a is *Arrègulas* puru chi depint essi arreconnotas de sa Regioni.

6 Su Consillu regionali no podit prus abarrai foras de su sceberu de sa politica linguistica chi at a adelantai sa Regioni de imoi innantis.

7 Sa Regioni arreconndosciat *S'Acadèmia* e su traballu suu, pruschetotu is *Arrègulas*.

Sa de 8 Comissionis at pigau su fueddu e at nau, peri sa boxi de is cumponentis suos:

1 Giuseppe Cuccu: Sa lingua sarda est una lingua fueddada de sa genti e duncas s'esperimentu etotu est una idea sballiada. Custa Comissioni at giai circau de torrai a su sardu beridadosu, peri sa lei de riforma de sa scola sarda e proponit apitzus de sa chistioni una risolutzioni / afferma che il sardo è la lingua parlata dalla gente e che l'esperimento in sé è già un'idea sbagliata. Ricorda che la Commissione ha già tentato di tornare al sardo reale, per il tramite della legge di riforma del sistema scolastico regionale e propone sul punto una risoluzione.

2 Su Presidenti Carlo Sechi, acrarendi ca issu s'est sèmpiri interessau de linguas, a comenti po su Cadelanu de s'Alighera, narat ca tocat a aguantai a notu sèmpiri sa fueddada chistionada de sa genti, cosa chi linguistas e universidadis a bortas no faint. Est de su parrimentu ca su tretu chi bolit fai sa LSC est de fueddai a is sardus a sa matessi manera, ma est de su parrimentu puru ca una lingua no podit essi calada de susu. Est de acòrdiu duncas ca tocat a averiguai s'esperimentu de sa LSC / premette di occuparsi di lingue da una vita. Ad Alghero, precisa, bisogna fare i conti con la lingua parlata, spesso ignorata da linguisti e università. Riconosce lo scopo finale della lingua sarda comune nell'intento di parlare a tutti i sardi allo stesso modo, ma allo stesso tempo si rende conto che la lingua non possa essere imposta dall'alto. Concorda quindi sul punto che occorra verificare l'esperimento della LSC.

3 Marco Espa: Cuncordat cun su Presidenti e pregontat ita cosa sa RAS no finàntziit puru is Comunas chi no funt intraus in parti in s'esperimentu LSC / condivide la posizione del Presidente e chiede come mai la RAS non finanzia i Comuni che non hanno aderito all'esperimento LSC.

